

La doturia Grete Mahlknecht é demez tl mëis d'agost 2023 y vègn sostituida da chisc doturs:

07.08 - 11.08.23: Aldo Marocci (338 72 80 518) tl Ambulatore San Martin
lönesc 10.00 -12.00 dedolönesc 16.00 -19.00 jöbia 9.00 -11.00

14.08 - 18.08.23: Eduard Agreiter (333 13 80 852)
te so orar ti ambulatori San Martin y La Val

21.08 - 25.08.23: Aldo Marocci (338 72 80 518) tl Ambulatore San Martin
lönesc 10.00 -12.00 dedolönesc 16.00 -19.00 jöbia 9.00 -11.00

PLOANIES SAN MARTIN Y LUNGIARÜ

Invit da tò pert en vëndres, ai 11 d'agost, dales 20.00, ala ora d'adoraziun tla stüa dla ciasa de sant Ojöp da Oies.

En chësc altonn, ai 11 de novèmber, él indò la Caritas che abina adöm guant vere. Ci che vègn trat ite vá a bëgn dla püra jënt.

SAN MARTIN

En dedemesaledema, ai 9 d'agost, da bur tèmپ la jöbia, vègnel indò sié la cortina. Chi che á dlaurela da daidé dess cherdé sö Leo 348 40 96 351.

La biblioteca Sas dla Crusc inviëia en mertesc ai 08.08.2023 dales 15:00 tla biblioteca a San Martin a n domisdé cun stories, pastelné y jüc por mitans y mituns dla scora elementara.

En dedemesaledema, ai 09 d'agost, dales 21.00, él conzert dla musiga sön paiun a San Martin. I podarëis aldí n program desvalí cun melodies tradizionales y ince modernes. Dötes y düc é dër bel inviá!



unitepastorala.org

Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

60.08. - 13.08.23 n. 37

ultimo termo por comunicaziuns: jöbia, dales 20.00



Trasfiguraziun dl Signur

Vangele do san Matí 17, 1-9

Y al é gnü trasfiguré dan sü edli; so müs lominâ sciöche sorëdl y sü guanc é gnüs blanc adorbënc sciöche la nëi. Ciamò tratan ch'al baiâ, él stè n nio lominus che i à curì cun süa ambria. Y fora dl nio à tlamè na usc: Chësc é mi Fi bunorü, te chël ch'i à ciafè plajëi; ascutédele!

Canche i discepu i â aldí chësc, ài ciafè na gran tëma y s'à petè col müs ia por tera.

⁷Dailò ti é Gejù jü pormez, i à pié ite y ti à dit: Lovede sö y ne ede nia tëma!

Canch'ai â ciarè sö, n'odò plü degügn, ater co Gejù. Tratan ch'ai jô jö dla munt, i à Gejù comanè: Ne stede a ti cuntè a degügn ci ch'i èis odü cina che le Fi dl Om ne n'è ressorì dai morc.



Sönsom le crëp esperimëntëia Pire, Iaco y Jan val' de straordinar, na esperiënza ch'ai n'è nia bugn da se salvé por dötä süa vita. Dala piza se toli cun ëi le lominus y le sonn dla usc.

Le lominus ti lominará indò canch'ai pordará l'orientamënt.

Le sonn dles parores i condejará canch'ai messará baié y dé cunt.

Plü co i atrí á Pire, Iaco y Jan podü odëi y sintí la forza dla fede che tol ca.

Mo bele tratan la trasfiguraziun vègni indò condüc tla realté dla vita.



Gejù i à pié ite y ai è indò arsis sön le funz dla realté da vigni de.

Te momënc intensifs de fede sintiunse sciöche Idí trasforma le monn tres Gejù.

Mo spo gnunse sura che le monn é impó tres ciamó sciöch'al é denant.

Do che i trëi é gnüs jö dl crëp, vá le tru cun Gejù inant, zënza messëi se temëi, cina ch'al i tolará düc ala fin sön le crëp cun ël.

Image

EDEMA - ANN "A"	SAN MARTIN	LUNGIARÜ	
06.08.23 Festa dla Trasfiguraziun dl Signur <i>Domènia dla Porziuncula</i>	9.00 Corona por vocaziuns 9.30 Gran Mëssa por la Comunité <i>cun indulgènza</i> de rengraziamënt + Pasquale Schuen + Dorotea Prousch Gasser (dl ann)	7.50 Corona 8.15 Gran Mëssa por la Comunité <i>cun indulgènza</i> +++ Severino, Maria y Paolina Zingerle ++ Gabriele Clara y Teodolinda Mühlmann + Severino y Angela Clara 11.30 Bato de Melissa Mischi de Simon y Isabel 15.00 Corona tla capela de S. Ojöp Fr.	<p><i>Le mëis d'agost inviëia da nes mëte tles mans dl Pere tl Cil.</i></p>  <p>Pere tl cil, cun la trasfiguraziun de to Finescincheste amez l'isté na festa sön munt. I podun la vaghé da ti ciaré a Gejú ressorí te döt so lominus. Sídeste dlungia nos tles ores scöres. Scínchesse momënc de bëgnsté sö alalt de chi ch'i un debojëgn tla vita jö albas. Le lominus de Gejú se lasces jö sön nüsc edli y sön nosc müs.</p>
07.08.23 Lönesc <i>Caietan, Edmund</i>			
08.08.23 Dedolönesc <i>Domëne, Ziriach</i>	8.00 Mëssa + Pire Unterweger + Giovanni Tavella		
09.08.23 Dedemesaledema <i>Edith Stein, Roman</i>		7.30 Mëssa + Albina Clara + Sepl Clara, Sanví	
10.08.23 Jöbia <i>Laurënz, Astrid, Filomena</i>			
11.08.23 Vëndres <i>Clara d'Assisi, Susana</i>	18.30 Adoraziun chîta 19.00 Adoraziun deboriada		
12.08.23 Sabeda <i>Giovana Franzisca da Chantal</i>	18.30 Mëssa prefestia de rengraziamënt + Erna Frenner		
13.08.23 19^a Domènia - Ann A	9.00 Corona 9.30 Gran Mëssa por la Comunité en onú de Sant Ojöp Fëinadamez	7.50 Corona 8.15 Gran Mëssa por la Comunité ++ Sisto y Tî Clara ++ Roslinda y Carlo Deiaco 15.00 Corona tla capela de S. Ojöp Fr.	 <p>I periun, do l'intenziun dl Papa por agost, che le De mondial dla Jonëza a Lissabon dëides i jogn y les jones da vire y testimonié le vangele te süa vita.</p> <p>CARITAS</p> <p><i>degöna uma ne dess messëi odëi morin so pope deach'ara n'á nia da ti dé da mangé.</i></p> <ul style="list-style-type: none"> - 10 euro basta che n/a möt/a pois jí a scora impede messëi lauré o gní maridada - cun 11 euro ciafa n möt les sostanzes de nudriziun ch'al adora por n mëis - cun 25 euro ciafa na familia da paup les somënzes por na racoiüda che tleca - cun 45 euro pó na uma ti dé da mangé por n mëis a sü mituns - cun 240 euro ciafa na uma la formaziun y l'aiüt da pié ia por cherié por ëra y sü mituns na fondamënta da podëi vire